



## U akciji "Koverta" "pao" i poslovođa "Sumarije Bosanski Petrovac" Uhapšeni Sirćo nabrzinu se obogatio

Navodno, posjeduje dva stana u Sarajevu, a prepričavaju kako je, nakon što mu je u Sarajevu ukraden Golf 5, sedam dana kasnije kupio novog Audija

U nastavku akcije „Koverta” i istrage organiziranog kriminala koju vodi Tužilaštvo Unsko-sanskog kantona (USK), policijski službenici Državne agencije za istrage i zaštitu (SIPA) na području Bosanskog Petrovca uhapsili su F. S., a pretresene su i dvije lokacije s ciljem pronalaženja predmeta koji mogu poslužiti kao dokaz u daljnjem postupku.

Kako saznajemo, radi se o Fahiru Sirći, rodom iz Olova, poslovođi u „Šuma-

riji Bosanski Petrovac”, u sastavu Šumskog privrednog društva (ŠPD) „Unsko-sanske šume”. On je uhapšen zbog postojanja osnovna sumnje da je počinio krivično djelo organiziranog kriminala u vezi s krivičnim djelima primanja dara i drugih oblika koristi, zloupotreba položaja ili ovlaštenja i protivzakonitog posredovanja.

Iako se ne znaju konkretni detalji, saznajemo da je Kantonalna uprava za šumarstvo USK u februaru



*Kličić: Prijavio Sirću*

## Karić, Muslimović, Pehlivanović i Mešić

U okviru akcije „Koverta” do sada su uhapšene tri osobe zbog organiziranog kriminala i koruptivnih krivičnih djela, te jedna osoba zbog pokušaja utjecaja na svjedoke.

Prvi uhapšeni bio je Enes Karić, zamjenik upravnika „Šumarije Sana” iz San-

skog Mosta, potom Đevad Muslimović (SDA), direktor ŠPD „Unsko-sanske šume” i nesuđeni nasljednik premijera USK Hamdije Lipovače (SDP), njegov vozač Hajrudin Pehlivanović te interni kontrolor ŠPD „Unsko-sanske šume” Esad Mešić.

ove godine krajiškoj policiji i Tužilaštvu USK prijavila Sirću zbog bespravnih radnji u oblasti šumarstva na području općine Bosanski Petrovac.

- Vozač kamiona prevezio je 30 balvana iz odjela 224 Gospodarske jedinice (GJ) „Grmeč - Petrovac”, bez pratećih papira, a po nalogu poslovođe Fahira Sirće - kazao nam je Amir Kličić, direktor Kantonalne uprave za šumarstvo USK.

On dodaje da je nemo-

guće pohvatati sve kradljivce drvene mase, pogotovo što su oni usko povezani s čelnim ljudima u ŠPD „Unsko-sanske šume” i drugim firmama. O Sirći u ŠPD „Unsko-sanske šume” kažu da se radi o čovjeku koji se za kratko vrijeme „dobro skućio”. Navodno, posjeduje dva stana u Sarajevu, a prepričavaju kako je, nakon što mu je u Sarajevu ukraden Golf 5, sedam dana kasnije kupio novog Audija.

**M.DEDIĆ**